

საქართველოს საკონსტიტუციო სასამართლო

გამარტივებული ელექტრონული ტენდერის საშუალებით
ავტოტრანსპორტის დაზღვევის მომსახურების შესყიდვა CPV – 66514110

სატენდერო დოკუმენტაცია

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის უკვე ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. www.procurement.gov.ge

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების შესაბამისად.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ-ს გარეშე, თუმცა თუ იგი დღგ-ს გადამხდელია, შესაბამისი ოდენობით თანხა გათვალისწინებული იქნება ხელშეკრულებაში.

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. შესასყიდი მომსახურების მოცულობა და შესყიდვის ობიექტის ტექნიკური და ხარისხობრივი მაჩვენებლები

2.1. შესყიდვის საგანია საქართველოს საკონსტიტუციო სასამართლოს ბალანსზე არსებული ავტომანქანების დაზღვევის მომსახურება, რომლის სავარაუდო ღირებულება შეადგენს **17000 (ჩვიდმეტიათასი) ლარს**.

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტაცია. ფასწარმოქმნის ადეკვატურობა შესაძლებელია დასაბუთდეს შესყიდვის ობიექტის მიწოდებასთან/მომსახურების გაწევასთან დაკავშირებით პრეტენდენტის მიერ გაფორმებული ხელშეკრულების, ან ანგარიშგაქტურის (ინვოისის) ასლებით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.2. მიმწოდებელი ვალდებულია უზრუნველყოს საკონსტიტუციო სასამართლოს ბალანსზე რიცხული შემდეგი **13** ავტომობილის დაზღვევა: (CPV 665 141 10)

№	ავტომობილების დასახელება	გამოშვების წელი	ძრავის მოცულობა	სადაზღვევო ღირებულება
1	ტოიოტა ლენდ კრუიზერ LC-200	2013	4.6	96977,00
2	ტოიოტა ლენდ კრუიზერ LC-200	2011	4.5	62736,00
3	ტოიოტა ლენდ კრუიზერ LC-200	2008	4.7	21913,00
4	ჰიუნდაი IX-35	2011	2.0	24243,00
5	ჰიუნდაი IX-35	2011	2.0	24243,00
6	ჰიუნდაი IX-35	2011	2.0	24243,00
7	ჰიუნდაი IX-35	2011	2.0	24243,00
8	ჰიუნდაი IX-35	2011	2.0	19725,00
9	ჰიუნდაი ელანტრა	2014	1.6	27125,00
10	ჰიუნდაი ელანტრა	2015	1.6	39750,00
11	ტოიოტა RAV-4	2004	2.0	15574,00
12	ტოიოტა RAV-4	2016	2.0	69850,00
13	ტოიოტა RAV-4	2016	2.0	69850,00
	სულ			520472,00

2.3. სადაზღვევო პირობები:

საქართველოს საკონსტიტუციო სასამართლოს მიერ შესყიდული ავტო დაზღვევა უნდა აკმაყოფილებდეს შემდეგ მინიმალურ მოთხოვნებს:

2.3.1. მზღვეველმა უნდა აანაზღაუროს ავტომობილის სრული განადგურება/ზარალი ან ნაწილობრივი ზარალი ქვემოთ მითითებულ შემთხვევებში:

- ავტოსაგზაო შემთხვევა;
- ქურდობა, ყაჩაღობა;
- ხანძარი, აფეთქება;
- მესამე პირთა ბოროტგანზრახული ქმედება, ვანდალიზმი, საგნების ვარდნა;
- სტიქიური მოვლენები - წყალდიდობა, დიდთოვლობა, გრიგალი, ქარიშხალი, ატმოსფეროში ბუნებრივი პროცესებით გამოწვეული ჰაერის მასების მოძრაობა 25 მ/წმ-ზე მეტი სიჩქარით, მეწყერი, ღვარცოფი;
- მინების, სარკეების, დეტალებისა და აქსესუარების ცალკეული დაზიანება ან/და ქურდობა.

მზღვეველი ვალდებულია აანაზღაუროს ზემოთ ჩამოთვლილ შემთხვევებში დამზღვევისათვის მიყენებული ზარალი 100% -ის ოდენობით.

2.3.2. მზღვეველი ვალდებულია აანაზღაუროს მესამე პირთა წინაშე პასუხისმგებლობის დაზღვევა - იფარება შემსყიდველის (დამზღვევის) პასუხისმგებლობა აანაზღაუროს მესამე პირის სიცოცხლის, ჯანმრთელობისა ან/და ქონებისათვის სატრანსპორტო საშუალებით მიყენებული ზიანი - მინიმალური ლიმიტი 10000 (ათი ათასი) ლარი, ფრანშიზა-0%.

2.3.3. დამატებით მზღვეველმა წელიწადში ერთხელ (თითოეულ მანქანაზე) 1500 USD-ის (ექვივალენტი ეროვნულ ვალუტაში) ფარგლებში უნდა აანაზღაუროს მინების/სარკეების ცალკეული დაზიანება/ქურდობიდან და დეტალების/აქსესუარების ცალკეული დაზიანება/ქურდობიდან წარმოშობილი ზიანი და მიწისძვრით ან სეტყვით მიყენებული დაზიანებისაგან წარმოშობილი ხარჯი 100%-ით.

2.3.4. მზღვეველი ვალდებულია აანაზღაუროს სადაზღვევო შემთხვევასთან დაკავშირებული:

- სასწრაფო სამედიცინო მომსახურების ხარჯები;
- ხარჯები, რომელიც დაკავშირებულია სადაზღვევო შემთხვევისას დაზღვეული ავტოტრანსპორტის ევაკუაციასთან.
- ხარჯები, რომლებიც გამოწვეულია სადაზღვევო შემთხვევის შედეგად დაზიანებული დაზღვეული ავტომობილის ავტოსადგომზე დაყოვნებასთან.

2.3.5. მზღვეველი ვალდებულია დაზიანებული ავტომანქანის შესაკეთებლად გამოიყენოს მხოლოდ ახალი სათადარიგო ნაწილები (ნაწილის შერჩევა ხდება შემსყიდველთან შეთანხმებით). მეორადი ნაწილების გამოყენება დასაშვებია მხოლოდ შემსყიდველთან შეთანხმების შემთხვევაში.

2.3.6. მზღვეველი ვალდებულია აანაზღაუროს ზემოთ ჩამოთვლილი ყველა ხარჯი სადაზღვევო ღირებულების ფარგლებში. თუ მიმწოდებელი მიიჩნევს, რომ კონკრეტული მანქანის სადაზღვევო ღირებულება აღემატება მის საბაზრო ღირებულებას, სადაზღვევო შემთხვევის დადგომისას იგი უფლებამოსილია დამზღვევისათვის მიყენებული ზარალის ფულადი ანაზღაურების სანაცვლოდ შემსყიდველს მიაწოდოს დაზიანებული ავტომობილის იდენტური ავტომობილი, იმ მდგომარეობაში, რომელშიც იგი იმყოფებოდა სადაზღვევო შემთხვევის დადგომამდე.

2.3.7. პრეტენდენტის ტექნიკური დოკუმენტაცია უნდა შეიცავდეს სადაზღვევო შემთხვევის არსებობის შემთხვევაში ზიანის ანაზღაურების ვადას, რომელიც არ უნდა აღემატებოდეს 5 სამუშაო დღეს (ზიანის ანაზღაურებისათვის საჭირო დოკუმენტაციის სრულყოფილად არსებობის შემთხვევაში). მზღვეველი ვალდებულია აანაზღაუროს ზიანი, რომელიც მოჰყვა საქართველოს, სომხეთის, აზერბაიჯანსა და თურქეთში მომხდარ სადაზღვევო შემთხვევას.

2.3.8. იმ შემთხვევაში, თუ შეიცვლება საკონსტიტუციო სასამართლოს ბალანსზე არსებული ავტომანქანები, შემსყიდველი უფლებამოსილია ბალანსიდან გასული ავტომანქანის დაზღვევა ჩაანაცვლოს ბალანსზე მიღებული ავტომანქანის დაზღვევით, თუმცა ამ შემთხვევაში არ შეიცვლება ავტოსატრანსპორტო საშუალებების ჯამური სადაზღვევო ღირებულება. (მიმწოდებელი უფლებამოსილია უარი განაცხადოს მხოლოდ იმ ავტომობილის დაზღვევის ჩაანაცვლებაზე, რომელზეც დამზღვევს უკვე მიღებული აქვს სადაზღვევო პრემია (ზარალის ანაზღაურება)).

2.4. სადაზღვევო პაკეტის ფარგლებში დასაშვებია არ ანაზღაურდეს:

- ქურდობით/ყაჩაღობით გამოწვეული ზარალი, თუ ამ დროს დაზღვეულ ავტომობილში ან ავტომობილზე დატოვებულია გასაღები, დაწეულია მინები და/ან ღიაა კარი.
- გაუფასურება, ამორტიზაცია, ცვეთა, მექანიკური და ელექტროსისტემების/ნაწილების მწყობრიდან გამოსვლა ისეთი მიზეზით/რისკებით, რაც არ არის გათვალისწინებული (დაფარული) ამ ხელშეკრულებით;
- რეაქტიული თვითმფრინავის ან სხვა საფრენი აპარატით წარმოქმნილი ტალღით გამოწვეული დაზიანება;
- ავტომობილის შეკეთების შედეგად წარმოქმნილი გაუფასურება;
- კონფისკაცია, დაპატიმრება, დაკავება ან სახელმწიფო ორგანოების დავალებით გამოწვეული დაზიანება/ზარალი;
- ზარალი, გამოწვეული მექანიკური ანდა ელექტროსისტემების/ნაწილების მწყობრიდან გამოსვლით;
- ნებისმიერი ისეთი სარემონტო თუ სხვა სახის ხარჯი, რაც გააუმჯობესებს დაზღვეული ავტომობილის მდგომარეობას სადაზღვევო შემთხვევამდე არსებულთან შედარებით;
- ნებისმიერი სარემონტო ხარჯი, რომლებიც გამოწვეულია დაზღვევამდე არსებული მიზეზით;
- ინტერიერის, სავარძლების, შალითების და ხალიჩების ცალკეული დაზიანება, გარდა იმ შემთხვევისა, როდესაც ასეთი დაზიანება გამოწვეულია მესამე პირთა განზრახვებით;
- ტენტების, სალონის საფარი ბრეზენტების დაზიანება (თუ საგანგებოდ არ არის მითითებული დაზღვევის სერთიფიკატში).

3. მომსახურების გაწევის ვადა

მომსახურების გაწევა უნდა მოხდეს 2017 წლის პირველი იანვრიდან (თუ მხარეთა შორის ხელშეკრულება დაიდება 2017 წლის 1 იანვრის შემდეგ, მაშინ ხელშეკრულების დადებიდან) - 2017 წლის 31 დეკემბრის ჩათვლით, შემსყიდველის მოთხოვნის შესაბამისად.

4. მომსახურების გაწევის ადგილი და ფორმა

სადაზღვევო პოლისების (ქართულ, ინგლისურ ენაზე) მიწოდება მოხდება ქალაქ ბათუმში კ. გამსახურდიას ქ. N8-10, სახელმწიფო შესყიდვის ხელშეკრულების გაფორმების შემდეგ, შემსყიდველის მოთხოვნიდან 5 სამუშაო დღის ვადაში.

5. ანგარიშსწორების პირობები

5.1. სადაზღვევო შენატანის (პრემიის) გადახდა მოხდება უნაღდო ანგარიშსწორების გზით, ეროვნულ ვალუტაში, კვარტალურად, კვარტლის ბოლოს მზღვეველის მიერ მომსახურების ღირებულების დამადასტურებელი დოკუმენტის (ინვოისი, ურთიერთშედარების აქტი) წარმოდგენიდან 10 დღის ვადაში.

5.2. ანგარიშსწორება მოხდება გადახდის გრაფიკის შესაბამისად, სადაც გაწერილი იქნება საკონსტიტუციო სასამართლოს მიერ კვარტალურად გადასახდელი სადაზღვევო შენატანის (პრემიის) ოდენობა ხელშეკრულების ჯამური ღირებულების გათვალისწინებით. აღნიშნული დოკუმენტი თან დაერთვება ხელშეკრულებას.

6. მეთოდები, რომლებითაც უნდა იყოს გაანგარიშებული სატენდერო წინადადების ღირებულება

სატენდერო წინადადების ღირებულება მოიცავს ტენდერის პირობებით გათვალისწინებული მომსახურების გაწევასთან დაკავშირებულ ნებისმიერ ხარჯსა და კანონმდებლობით გათვალისწინებულ ყველა გადასახადს, მათ შორის დღგ-ს.

7. დამატებითი ინფორმაცია

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

პრეტენდენტს არა აქვს უფლება წარმოადგინოს ალტერნატიული სატენდერო წინადადება.

სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის მისაღებად შეგიძლიათ დაუკავშირდეთ საქართველოს საკონსტიტუციო სასამართლოს სატენდერო კომისიის აპარატის წევრს, ქალბატონ თამარ პაპუნაიშვილს:

ტელ: 595 220225 e-mail: t.papunaishvili@constcourt.ge

8. პრეტენდენტის მიერ სისტემაში ასატვირთი დოკუმენტაცია

პრეტენდენტმა ერთიან ელექტრონულ სისტემაში სატენდერო წინადადებასთან ერთად უნდა ატვირთოს:

- 8.1. დაზღვევის პირობები (სატენდერო დოკუმენტაციით განსაზღვრული მოთხოვნების შესაბამისად);
- 8.2. ფასების ცხრილი (ხარჯთაღრიცხვა) - სადაზღვევო პერიოდის განმავლობაში თითოეულ ავტომობილზე გადასახდელი ყოველთვიური და წლიური პრემიის ოდენობის მითითებით (ხელშეკრულების ჯამური ღირებულების გათვალისწინებით);
- 8.3. გადახდის გრაფიკი - საკონსტიტუციო სასამართლოს მიერ კვარტლურად გადასახდელი სადაზღვევო შენატანის (პრემიის) ოდენობის მითითებით (ხელშეკრულების ჯამური ღირებულების გათვალისწინებით);
- 8.4. საკუთარი რეკვიზიტები (სრული დასახელება, იურიდიული მისამართი, საბანკო რეკვიზიტები).

9. სახელმწიფო შესყიდვის ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად და დაზუსტდება გამარჯვებული პრეტენდენტის წინადადების შესაბამისად.

ხელშეკრულება N

ქ. ბათუმი

201- წელი

ერთი მხრივ საქართველოს საკონსტიტუციო სასამართლო (შემდგომში „შემსყიდველი“) —
_____ სახით და მეორეს მხრივ, _____ (შემდგომში „მიმწოდებელი“) წარმოადგენილი მისი _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA _____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: (CPV 665 141 10)

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – შესაბამისად, კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების მიწოდებას ხელშეკრულების ფარგლებში.

2. ხელშეკრულების საგანი

2.1 მზღვეველი/მიმწოდებელი ვალდებულია უზრუნველყოს საკონსტიტუციო სასამართლოს ბალანსზე არსებული 13 ავტომობილის სადაზღვევო მომსახურება. ერთი წლის მანძილზე სადაზღვევო მომსახურების ღირებულება შეადგენს ----- ლარს.

2.2 მზღვეველი ვალდებულია სადაზღვევო მომსახურება გასწიოს სატენდერო დოკუმენტაციის მე-2 პუნქტით („შესასყიდი მომსახურების მოცულობა და შესყიდვის ობიექტის ტექნიკური და ხარისხობრივი მაჩვენებლები“) გათვალისწინებული პირობებით, რომელიც დანართი N1-ის სახით თან ერთვის ხელშეკრულებას და წარმოადგენს მის განუყოფელ ნაწილს.

2.3 ხელშეკრულების ღირებულება მოიცავს ტენდერის პირობებით გათვალისწინებული მომსახურების გაწევასთან დაკავშირებულ ნებისმიერ ხარჯსა და კანონმდებლობით გათვალისწინებულ ყველა გადასახადს, მათ შორის დღგ-ს.

3. დაზღვევის პირობები

3.1 ავტოსატრანსპორტო საშუალების დაზღვევის პირობები „დანართი N1-ის“ სახით თან ერთვის ხელშეკრულებას და წარმოადგენს მის განუყოფელ ნაწილს,

3.2. თითოეულ ავტოსატრანსპორტო საშუალების დაზღვევისათვის შემსყიდველის მიერ გადასახდელი სადაზღვევო პრემიის ოდენობა განისაზღვრება „დანართი N2-ის“ (ფასების ცხრილი, ხარჯთაღრიცხვა) შესაბამისად.

4. ანგარიშსწორების ფორმა და წესი

4.1. სადაზღვევო პოლისების მიწოდება მოხდება ქალაქ ბათუმში კ. გამსახურდიას ქ. N8-10, სახელმწიფო შესყიდვის ხელშეკრულების გაფორმების შემდეგ, შემსყიდველის მოთხოვნიდან 5 სამუშაო დღის ვადაში.

4.2. სადაზღვევო შენატანის (პრემიის) გადახდა მოხდება უნაღდო ანგარიშსწორების გზით, კვარტალურად, კვარტალის ბოლოს მზღვეველის მიერ მომსახურების ღირებულების დამადასტურებელი დოკუმენტის (ინვოისი, ურთიერთშედეგების აქტი) წარმოდგენიდან 10 დღის ვადაში.

4.3. ანგარიშსწორება განხორციელდება გადახდის გრაფიკის შესაბამისად, სადაც გაწერილია საკონსტიტუციო სასამართლოს მიერ კვარტალურად გადასახდელი სადაზღვევო შენატანის (პრემიის) ოდენობა ხელშეკრულების ჯამური ღირებულების გათვალისწინებით. გადახდის გრაფიკი „დანართი N3“-ის სახით თან ერთვის ხელშეკრულებას და წარმოადგენს მის განუყოფელ ნაწილს.

5. მხარეთა უფლება-მოვალეობანი

5.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების ინსპექტირება;

5.2. შემსყიდველი ვალდებულია:

ა) უზრუნველყოს წინამდებარე ხელშეკრულების შესაბამისად განსაზღვრული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს სადაზღვევო მომსახურების ჯეროვნად განხორციელების პროცესს.

5.3. მიმწოდებელი უფლებამოსილია:

ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

5.4. მიმწოდებელი ვალდებულია:

- ა) გასცეს სადაზღვევო პოლისები შემსყიდველის მიერ მისი მოთხოვნიდან 5 სამუშაო დღის ვადაში, უზრუნველყოს სადაზღვევო ვალდებულების შესრულება ხელშეკრულების ხელმოწერისთანავე;
- ბ) დანიშნოს სადაზღვევო მომსახურების ხარისხზე პასუხისმგებელი პირი - დაზღვევის კოორდინატორი.
- გ) შემსყიდველთან შეთანხმების გარეშე მიმწოდებელს არ აქვს უფლება დაზიანებული ავტომანქანის შესაკეთებლად გამოიყენოს მეორადი ნაწილები.

6. ხელშეკრულებით ნაკისრი ვალდებულებების შესრულების ინსპექტირება

- 6.1. ხელშეკრულებით ნაკისრი ვალდებულებების შესრულების ინსპექტირებას განახორციელებს საფინანსო სამსახურის უფროსი სპეციალისტი - მაია ბოკუჩავა.
- 6.2. ინსპექტირება გულისხმობს მიმწოდებლის მიერ ხელშეკრულების პირობების შესრულების და/ან გაწეული მომსახურების ხარისხის კონტროლს.
- 6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. პირგასამტეხლო ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.
- 7.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 7.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის 2017 წლის 1 იანვრიდან და მოქმედებს 2018 წლის 31 იანვრის ჩათვლით.

12. სხვა პირობები

12.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.3. ყველა დანართი, რომელიც თან ერთვის წინამდებარე ხელშეკრულებას, წარმოადგენს მის განუყოფელ ნაწილს.

12.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

12.5. დანართი N1 (დაზღვევის პირობები), დანართი N2 (ფასების ცხრილი, ხარჯთაღრიცხვა) და დანართი N3 (გადახდის გრაფიკი) თან ერთვის ხელშეკრულებას და წარმოადგენს მის განუყოფელ ნაწილს.

შემსყიდველის რეკვიზიტები:

მიმწოდებლის რეკვიზიტები:
